

ՊԱՅՄԱՆԱԳԻՐ

ՊԵՏՈՒԹՅԱՆ ԿՈՂՄԻՑ ԴՐԱՄԱՇՆՈՐՀԻ ՁԵՎՈՎ ՏՐԱՄԱԴՐՎՈՂ ՖԻՆԱՆՍԱԿԱՆ
ԱԶԱԿՑՈՒԹՅԱՆ ԳՈՒՄԱՐՆԵՐԻ ՕԳՏԱԳՈՐԾՄԱՆ ՄԱՍԻՆ N 09.06.01-17

Ք. Երևան

« 27 » հունվար 2023 թ.

Հայաստանի Հանրապետության կրթության, գիտության, մշակույթի և սպորտի նախարարությունը (այսուհետ՝ պետական մարմին), ի դեմս գլխավոր քարտուղարի պարտականությունները կատարող Վահրամ Գասպարյանի, որը գործում է պետական մարմնի կանոնադրության հիման վրա, մի կողմից, և «Կրթության զարգացման նորարարական ազգային կենտրոն» հիմնադրամը, ի դեմս գործադիր տնօրենի Ժ/պ Արտաշես Թորոսյանի, (այսուհետ՝ կազմակերպություն), որը գործում է կազմակերպության կանոնադրության հիման վրա, մյուս կողմից (այսուհետ՝ միասին՝ կողմեր), հիմք ընդունելով ՀՀ կառավարության 2022 թվականի դեկտեմբերի 29-ի «ՀՀ 2023 թվականի պետական բյուջեի կատարումն ապահովող միջոցառումների մասին» N 2111-Ն որոշումը (այսուհետ՝ որոշում), «1192 .Կրթության որակի ապահովում» ծրագրի «11001. Նախնական մասնագիտական (արհեստագործական) և միջին մասնագիտական կրթության և ուսուցման (ՄԿՈՒ) բարեփոխումներ» ծրագրի (այսուհետ՝ ծրագիր) իրականացման նպատակով կնքեցին սույն պայմանագիրը (այսուհետ՝ պայմանագիր)՝ հետևյալի մասին.

1. ՊԱՅՄԱՆԱԳՐԻ ԱՌԱՐԿԱՆ

1.1. Սույն պայմանագրով պետական մարմինը պարտավորվում է ծրագրի իրականացման նպատակով կազմակերպությանը հատկացնել որոշմամբ նախատեսված՝ մինչև **199 405 400** (մեկ հարյուր իննսունինը միլիոն չորս հարյուր հինգ հազար չորս հարյուր) ՀՀ դրամ գումար (ներառյալ ԱԱՀ), իսկ կազմակերպությունը պարտավորվում է ծրագիրն իրականացնել որոշմամբ և սույն պայմանագրով սահմանված կարգով:

1.2. Ծրագրով նախատեսված՝ կազմակերպության կողմից իրականացվելիք միջոցառումները (այսուհետ՝ միջոցառումներ) ներկայացված են սույն պայմանագրի անբաժանելի մասը կազմող հավելվածում:

2. ԿՈՂՄԵՐԻ ԻՐԱՎՈՒՆՔՆԵՐԸ ԵՎ ՊԱՐՏԱՎՈՐՈՒԹՅՈՒՆՆԵՐԸ

2.1. Պետական մարմինն իրավունք ունի՝

2.1.1. ցանկացած ժամանակ (այդ թվում՝ ՀՀ ֆինանսների նախարարության և պետական այլ մարմինների միջոցով) ստուգելու կազմակերպության կողմից իրականացվող միջոցառումների ընթացքը և որակը՝ առանց միջամտելու վերջինիս գործունեությանը, ինչպես նաև օրենսդրությամբ սահմանված կարգով իրականացնել ներքին աուդիտ,

2.1.2. կազմակերպությունից պարբերաբար պահանջել ու ստանալ տեղեկատվություն սույն պայմանագրի կատարման ընթացքի մասին,

2.1.3. սույն պայմանագրով սահմանված պահանջներին չհամապատասխանելու դեպքում չընդունելու իրականացված միջոցառումները՝ իր հայեցողությամբ սահմանելով թերությունների անհատույց վերացման ողջամիտ ժամկետ, և կազմակերպությունից պահանջելու վճարել սույն

պայմանագրի 5.4 կետով նախատեսված տուգանքը, իսկ պայմանագրով նախատեսված հաշվետվությունների ներկայացման համար սահմանված ժամկետները չպահպանելու դեպքում՝ պայմանագրի 5.5 կետով նախատեսված տույժերը,

2.1.4. առանց իրականացված միջոցառումների արդյունքների դիմաց գումար տրամադրելու՝ միակողմանի լուծելու սույն պայմանագիրը և պահանջելու հատուցել պատճառված վնասները, եթե՝

ա. առանց հիմնավոր պատճառի կազմակերպությունը ժամանակին չի սկսում միջացառման իրականացումը, կամ միջոցառման իրականացման ժամանակ ակնհայտ է դառնում, որ այն պատշաճ չի իրականացվելու,

բ. կազմակերպությունը երկու և ավելի անգամ խախտել է ծրագրով նախատեսված առանձին միջոցառումների իրականացման ժամկետները (սույն պայմանագրով կամ կանոնադրությամբ միջոցառումների իրականացման ժամկետներ նախատեսված լինելու դեպքում),

գ. իրականացված միջոցառումները չեն համապատասխանում ծրագրով սահմանված պահանջներին,

2.1.5. կազմակերպության կողմից սույն պայմանագրի պահանջները չկատարելու դեպքում դադարեցնել ֆինանսավորումը՝ մինչև թերությունների վերացումը,

2.1.6. կազմակերպության կողմից սույն պայմանագրով նախատեսված միջոցառումների ֆինանսական ծախսեր ենթադրող ոչ ֆինանսական ցուցանիշների թերկատարման դեպքում պահանջել հետ վերադարձնել համապատասխան չափով հաշվարկած գումարը, կամ նշված գումարի չափով պակասեցնել հետագա տարիների ֆինանսավորումը, կամ հետագա տարիների պայմանագրերով պարտավորեցնել լրացնել ոչ ֆինանսական ցուցանիշների թերկատարումը,

2.1.7. սույն պայմանագրի 2.4.4 կետում նշված ժամկետներում կազմակերպության կողմից կատարողական հաշվետվությունները չներկայացնելու դեպքում ժամանակավորապես դադարեցնել գումարի տրամադրումը,

2.1.8. սույն պայմանագիրն օրենքով կամ սույն պայմանագրով նախատեսված հիմքերով լուծելու դեպքում պահանջելու իրեն հանձնել անավարտ միջոցառումների արդյունքները:

2.2. Կազմակերպությունն իրավունք ունի՝

2.2.1. պետական մարմնից պահանջել ընդունել սույն պայմանագրի 1.1-ին կետում նշված և կազմակերպության կողմից պատշաճ ձևով ու կարգով կատարված միջոցառումները,

2.2.2. պետական մարմնից պահանջել վերացնել կազմակերպության գործողություններից (անգործությունից) անկախ՝ պետական մարմնի մեղքով սույն պայմանագրի կատարման համար առաջացած խոչընդոտները կամ վերանայել սույն պայմանագրի պայմանները,

2.2.3. իրականացված միջոցառման արդյունքը պետական մարմնի կողմից ընդունվելու և պետական մարմնի կողմից գումարները չվճարվելու դեպքում միակողմանի լուծելու սույն պայմանագիրը և պահանջելու հատուցել իրեն պատճառված վնասները,

2.2.4. վաղաժամկետ լուծել սույն պայմանագիրը՝ սույն պայմանագրով կամ Հայաստանի Հանրապետության օրենսդրությամբ սահմանված կարգով և դեպքերում:

2.3. Պետական մարմինը պարտավոր է՝

2.3.1. Հայաստանի Հանրապետության օրենսդրությամբ և (կամ) ծրագրով նախատեսված դեպքերում իր և կազմակերպության կանոնադրություններով սահմանված իրավասությունների շրջանակներում աջակցել կազմակերպությանը, այդ թվում՝ կազմակերպությանը ցուցաբերել մեթոդական և կազմակերպական օգնություն,

2.3.2. կազմակերպությունից ընդունել սույն պայմանագրի պահանջներին համապատասխան կազմակերպության կողմից պատշաճ ձևով ու կարգով կատարված միջոցառումները և հաշվետվությունները,

2.3.3. կատարել ծրագրի (առանձին միջոցառումների) իրականացման մոնիթորինգ՝ անհրաժեշտության դեպքում համագործակցելով այլ պետական կառավարման մարմինների հետ,

2.3.4. իրականացված միջոցառման մասին ներկայացված ֆինանսական և բովանդակային հաշվետվությունների վերաբերյալ համապատասխան որոշում ընդունել դրանք ստանալու օրվանից մինչև 20 աշխատանքային օրվա ընթացքում: Հաշվետվություններում թերություններ հայտնաբերվելու դեպքում դրանք վերադարձվում են լրամշակման կազմակերպությանը՝ լրամշակման համար սահմանելով խելամիտ ժամկետներ: Եթե ներկայացված հաշվետվությունների համաձայն իրականացված միջոցառումը համապատասխանում է ծրագրի և սույն պայմանագրի պահանջներին, ապա դրանք ընդունվում են,

2.3.5. իրականացնել սույն պայմանագրով նախատեսված այլ աշխատանքներ:

2.4. Կազմակերպությունը պարտավոր է՝

2.4.1. պայմանագրով նախատեսված ֆինանսական միջոցներն օգտագործել ծրագրով և (կամ) սույն պայմանագրով սահմանված նպատակներով ու չափաքանակներով՝ համաձայն սույն պայմանագրի 1.1 կետի,

2.4.2. ժամանակին, պատշաճ ձևով ու կարգով կատարել սույն պայմանագրի 1.1-ին կետով նախատեսված միջոցառումները,

2.4.3. սույն պայմանագրով սահմանված պարտավորություններն իրականացնել պետական մարմնի կողմից հաստատված մեթոդական ցուցումների, հրահանգների և այլ իրավական ակտերի (փաստաթղթերի) պահանջներին համապատասխան,

2.4.4. պետական մարմնին անհապաղ հայտնել սույն պայմանագրի կատարման համար առաջացած խոչընդոտների մասին և միաժամանակ ձեռնարկել իր կողմից հնարավոր բոլոր միջոցները՝ այդ խոչընդոտներն անհապաղ վերացնելու համար,

2.4.5. սույն պայմանագրի գործողության ընթացքում ապահովել միջոցառման իրականացմանը վերաբերող փաստաթղթերին ծանոթանալու պետական մարմնի հնարավորությունը՝ վերջինիս կողմից գրավոր պահանջ ստանալու օրվանից 5 աշխատանքային օրվա ընթացքում,

2.4.6. կատարել պետական մարմնի կողմից բացահայտված թերությունների վերացման նպատակով տրված ցուցումները,

2.4.7. մինչև յուրաքանչյուր եռամսյակին հաջորդող ամսվա 10-ը, իսկ տարեկան կտրվածքով՝ մինչև հաջորդ տարվա հունվարի 25-ը ներկայացնել իրականացված միջոցառումների վերաբերյալ կազմակերպության կատարողական հաշվետվությունները: Կազմակերպությունը պատասխանատվություն է կրում հաշվետվությամբ ներկայացված տվյալների հավաստիության համար,

2.4.8. իրականացնել ծրագրի շրջանակներում պետական մարմնի կողմից տրամադրված գումարների հաշվապահական հաշվառման վարում՝ Հայաստանի Հանրապետության օրենսդրությամբ սահմանված կարգով,

2.4.9. պետական մարմնին ներկայացնել եռամսյակային ու տարեկան հաշվետվություններ՝ համաձայն ՀՀ ֆինանսների նախարարի 2013 թվականի փետրվարի 4-ի N 104-Ն և 2019 թվականի մարտի 13-ի N 254-Ն հրամանների, ինչպես նաև ՀՀ օրենսդրությամբ և իրավական այլ ակտերով նախատեսված ձևով ու կարգով,

2.4.10. պետական մարմնի կողմից առանձին միջոցառումների իրականացման մասին հաշվետվությունները չընդունվելու դեպքում անվճար՝ պետական մարմնի կողմից սահմանված ողջամիտ ժամկետում վերացնել արձանագրված անհամապատասխանությունները,

2.4.11. միջոցառման իրականացման համար անհրաժեշտ ապրանքները, աշխատանքները և ծառայությունները ձեռք բերել «Գնումների մասին» Հայաստանի Հանրապետության օրենքով սահմանված կարգով,

2.4.12. չծախսված գումարի վերջնական, տարեվերջյան մնացորդը (տնտեսումները, խնայողությունները) վերադարձնել Հայաստանի Հանրապետության պետական բյուջե ոչ ուշ, քան 2023 թվականի դեկտեմբերի 22-ը, իսկ ժամանակացույցով պայմանավորված ավելի ուշ ավարտվող միջոցառումների իրականացման արդյունքում առաջացած տնտեսումը վերադարձնել Հայաստանի Հանրապետության պետական բյուջե՝ կողմերի ստանձնած պարտավորությունների ամբողջ ծավալով կատարումից հետո,

2.4.13. պայմանագրով նախատեսված միջոցառումների տարեկան արդյունքները թերակատարելու դեպքում համապատասխան չափով գումարները վերադարձնել ՀՀ պետական բյուջե՝ մինչև տվյալ բյուջետային տարվա նախավերջին աշխատանքային օրը:

3. ՊԱՅՄԱՆԱԳՐԻ ԳԻՆԸ ԵՎ ՎՃԱՐՈՒՄՆԵՐԻ ԿԱՐԳԸ

3.1. Սույն պայմանագրի 1.1 կետում նշված գումարը պետական մարմինը կազմակերպությանն է վճարում համաձայն ՀՀ կառավարության 2022 թվականի դեկտեմբերի 29-ի N 2111-Ն որոշմամբ նախատեսված եռամսյակային համամասնություններին համապատասխան՝ սույն պայմանագրի 2.4. կետում նշված հաշվետվությունն ընդունելուց հետո:

3.2. Սույն պայմանագրի 1.1 կետում նշված գումարը կազմակերպությանը վճարվում է կազմակերպության բանկային հաշվեհամարին փոխանցումներ կատարելու եղանակով:

3.3. Կազմակերպության կողմից միջոցառումների կատարման՝ սույն պայմանագրով սահմանված ցուցանիշներն ու պայմանները խախտելու դեպքում պետական մարմինն իրավունք ունի վերանայել սույն պայմանագրի 1.1-ին կետում նշված գումարի չափը և դրա վճարման ժամանակացույցը:

3.4. Համաձայն «ՀՀ 2023 թվականի պետական բյուջեի մասին» ՀՀ օրենքի 7-րդ հոդվածի 22-րդ կետի՝ հաշվարկված ԱԱՀ-ի գծով լրացուցիչ հատկացումները չեն կարող ուղղվել այլ նպատակների և չօգտագործված գումարները 2023 թվականի ընթացքում ենթակա են վերադարձման ՀՀ պետական բյուջե:

4. ՊԱՅՄԱՆԱԳՐԻ ԺԱՄԿԵՏԸ

4.1. Պայմանագիրն ուժի մեջ է մտնում կողմերի ստորագրման պահից, տարածվում է 2023 թվականի հունվարի 1-ից ծագած իրավահարաբերությունների վրա և գործում է մինչև կողմերի ստանձնած պարտավորությունների ամբողջ ծավալով կատարումը:

5. ԿՈՂՄԵՐԻ ՊԱՏԱՍԽԱՆԱՏՎՈՒԹՅՈՒՆԸ

5.1 Կազմակերպությունը պատասխանատվություն է կրում սույն պայմանագրով ստանձնած պարտավորությունների չկատարման կամ ոչ պատշաճ կատարման համար:

5.2 Պայմանագրի 1.1-ին կետով նախատեսված պարտավորությունների ոչ պատշաճ կատարման դեպքում, ինչպես նաև սահմանված ժամկետները կազմակերպության կողմից չպահպանելու դեպքում վերջինս պետական մարմնին վճարում է տուգանք՝ ոչ պատշաճ կատարված պարտավորության համար նախատեսված գումարի 0.5 (զրո ամբողջ հինգ տասնորդական) տոկոսի չափով, իսկ սահմանված ժամկետները խախտելու դեպքում ժամկետների խախտմամբ իրականացված պարտավորության համար նախատեսված գումարի 0.5 (զրո ամբողջ հինգ տասնորդական) տոկոսի չափով՝ ուշացված յուրաքանչյուր աշխատանքային օրվա համար: Ընդ որում, տուգանքի վճարումը կազմակերպությանը չի ազատում իր պարտավորությունները կատարելու և խախտումները վերացնելու պարտականությունից:

5.3 Պայմանագրով նախատեսված հաշվետվությունների ներկայացման համար սահմանված ժամկետները չպահպանելու դեպքում կազմակերպությունը պետական մարմնին վճարում է տույժ՝ պայմանագրի գնի 0.05 (զրո ամբողջ հինգ հարյուրերորդական) տոկոսի չափով՝ ուշացված յուրաքանչյուր աշխատանքային օրվա համար:

5.4 Պայմանագրի 5.2 և 5.3 կետերով նախատեսված տուգանքը և տույժը կարող է հաշվարկվել և հաշվանցվել միջոցառման իրականացման արդյունքում կազմակերպությանը վճարման ենթակա գումարների հետ:

Տույժը հաշվարկվում է աշխատանքային օրերով՝ պայմանագրի չկատարված մասի գնի նկատմամբ:

5.5 Պայմանագրով չնախատեսված դեպքերում կողմերն իրենց պարտավորությունները չկատարելու կամ ոչ պատշաճ կատարելու համար պատասխանատվության են ենթարկվում ՀՀ օրենսդրությամբ սահմանված կարգով:

5.6 Տույժերի և (կամ) տուգանքի վճարումը Կողմերին չի ազատում իրենց պայմանագրային պարտավորությունները լրիվ կատարելուց:

6. ՄՈՆԻԹՈՐԻՆԳԸ

6.1 Պետական մարմինը ծրագրի իրականացման արդյունքների համապատասխանության գնահատման նպատակով իրականացնում է մոնիթորինգ:

6.2 Մոնիթորինգն իրականացվում է պետական մարմնի և (կամ) նրա կողմից լիազորված անձի կողմից:

6.3 Մոնիթորինգի իրականացման ընթացքում բացահայտված թերացումների ու բացթողումների շտկման նպատակով կազմակերպությանը տրվում են ցուցումներ, և կատարվում են առաջարկություններ:

6.4 Պետական մարմինը ցանկացած ժամանակ կարող է ծրագրի շրջանակներում իրականացնել մոնիթորինգ՝ ուսումնասիրելով ծրագրին առնչվող ցանկացած փաստաթղթեր և նյութեր:

6.5 Մոնիթորինգի իրականացման ընթացքում կազմակերպությունից կարող են պահանջվել գրավոր ու բանավոր պարզաբանումներ և բացատրություններ:

7. ԱՆՀԱՂԹԱՀԱՐԵԼԻ ՈՒԺԻ ԱԶԴԵՑՈՒԹՅՈՒՆԸ (ՖՈՐՍ-ՄԱԺՈՐ)

7.1. Պայմանագրով նախատեսված պարտավորություններն ամբողջությամբ կամ մասնակիորեն չկատարելու համար կողմերն ազատվում են պատասխանատվությունից, եթե դա եղել է անհաղթահարելի ուժի ազդեցության հետևանքով, որը ծագել է պայմանագիրը կնքելուց հետո, և որը կողմերը չէին կարող կանխատեսել կամ կանխարգելել: Այդպիսի իրավիճակներն են երկրաշարժը, ջրհեղեղը, հրդեհը, պատերազմը, ռազմական և արտակարգ դրության հայտարարումը, քաղաքական հուզումները, գործադուլները, հաղորդակցության միջոցների աշխատանքի դադարեցումը, պետական մարմինների ակտերը և այլն, որոնք անհնարին են դարձնում պայմանագրով նախատեսված պարտավորությունների կատարումը: Եթե անհաղթահարելի ուժի ազդեցությունը շարունակվում է 3 ամսվանից ավելի, ապա կողմերից յուրաքանչյուրն իրավունք ունի լուծելու պայմանագիրը՝ դրա մասին նախապես տեղյակ պահելով մյուս կողմին:

8. ԵԶՐԱՓՈՒԹՅՈՒՆԵՐ

8.1. Պայմանագրում կատարվող փոփոխությունները կամ լրացումներն իրավաբանական ուժ ունեն, եթե կազմված են գրավոր և ստորագրված են կողմերի կողմից,

8.2. Պայմանագիրը կնքվում է պայմանագրի կողմերի թվին համապատասխան թվով օրինակով, որոնք ունեն հավասարազոր իրավաբանական ուժ: Յուրաքանչյուր կողմին տրվում է պայմանագրի մեկ օրինակ:


8.3. Պայմանագրով նախատեսված պարտավորությունների չկատարման հետ կապված, ինչպես նաև սույն պայմանագրով չնախատեսված հարաբերությունները կարգավորվում են Հայաստանի Հանրապետության օրենսդրությամբ:

9. ԿՈՂՄԵՐԻ ՀԱՍՅԵՆԵՐԸ, ԲԱՆԿԱՅԻՆ ՎԱՎԵՐԱՊԱՅՄԱՆՆԵՐՆ ՈՒ ՍՏՈՐԱԳՐՈՒԹՅՈՒՆՆԵՐԸ

ՊԵՏԱԿԱՆ ՄԱՐՄԻՆ

«Կրթության, գիտության, մշակույթի և սպորտի նախարարություն
ք. Երևան, Վազգեն Սարգսյան 3,
Կառավարական տուն 2
«ՖՆ գործառնական վարչություն
Հ/Հ 900011005429
ՀՎՀՀ 02698732

Գլխավոր քարտուղարի
պարտականությունները կատարող՝



Վ. Գասպարյան

(ստորագրություն)

ԿԱԶՄԱԿԵՐՊՈՒԹՅՈՒՆ

«Կրթության զարգացման նորարարական ազգային կենտրոն» հիմնադրամ
ք. Երևան, Տիգրան Մեծ 67
ԱԳԲԱ-ԿՐԵԴԻՏ ԱԳՐԻԿՈԼ ԲԱՆԿ ՓԲԸ
Հ/Հ 220303210078000
ՀՎՀՀ 02657678

Գործադիր տնօրենի ժ/պ՝

Digitally signed by TOROSYAN ARTASHES
1209620243
Date: 2023.01.26 17:35:33 AMT
Վ. Թորոսյան

(ստորագրություն)

Կ.Տ.

ՄԻՋՈՑԱՌՈՒՄՆԵՐ

«1192 .Կրթության որակի ապահովում» ծրագրի «11001. Նախնական մանագիտական (արհեստագործական) և միջին մանագիտական կրթության և ուսուցման (ՄԿՈՒ) բարեփոխումներ» միջոցառման

Իրականացվելիք միջոցառման						
NIN	անվանումը	համառոտ բովանդակությունը	կատարման ենթակա գործառնությունների նկարագիրը	ակնկալվող արդյունքները և դրանց գնահատման չափանիշները	վերջնամասնիկ տը	Պահանջվող գումարը (դրամ)
1	ՄԿՈՒ համակարգում իրականացվող բարեփոխումների հրապարակայնության և տեսանելիության ապահովում՝ սոցիալական գործընկերների, տեղական և միջազգային կազմակերպությունների և ՄԿՈՒ այլ շահառուների համար:	Շահագրգիռ կողմերը տեղեկացված են ՄԿՈՒ համակարգում ընթացող բարեփոխումների արդյունքների մասին	Նախապատրաստել և հրատարակել <<Մանագիտական կրթություն և ուսուցում>> հանդեսը	Հրատարակված է <<Մանագիտական կրթություն և ուսուցում>> հանդեսի 2023 թվականի 1-2 համարները (1 միավոր): Հանդեսի համարների բաշխումը սկսված է:	1. Ամսագրի նյութերի նախապատրաստում-տում՝ հոկտեմբեր 2. Ամսագրի տպագրություն՝ դեկտեմբեր	1870,0
2	ՄԿՈՒ քաղաքականության և ուսուցման վերաբերյալ հետազոտական կամ փորձարարական ծրագրերի հրականացում, հայեցակարգային փաստաթղթերի, նորմատիվ և	ՄԿՈՒ քաղաքականության և ուսուցման վերաբերյալ իրականացնել հետազոտական, փորձարարական մշակել հայեցակարգային փաստաթղթեր-րի, նորմատիվ և իրականացնել հայեցակարգային փաստաթղթերի, նորմատիվ և	Ընտրված բնագավառում վերլուծել փաստացի վիճակը, բացահայտել խնդրահարույց հարցերը, առաջարկել հիմնավորված լուծումներ, ներկայացնել համապատասխան փաստաթղթերի նախագծեր	Կատարվել է 4 միավոր աշխատանք՝ համաձայնեցված և ԿԳՄՍ նախարարի հրամանով հաստատված թեմաներով: Կատարված աշխատանքները գնահատվում են դրանց գործնական կիրառման վերաբերյալ փորձագիտական եզրակացության հիման վրա:	տարվա ընթացքում՝ փուլերով, աշխատանքների ավարտ՝ դեկտեմբեր	4560,0

	իրավական ակտերի նախագծերի մշակում, վերանայում	ՄԿՈՒ բարեփոխումների արդյունքների գնահատում	Ընտրված ուսումնական հաստատություններում ըստ իրականացվող բարեփոխումների ուղղությունների բացահայտել իրականացված ձեռքբերումները՝ կապելով ՄԿՈՒ խնդիրների և առաքելության հետ	Բացահայտել բարեփոխումների յուրաքանչյուր ուղղության ընկալման հիմնավորվածությունը, կատարված քայլերի անհրաժեշտությունը, դրանց նախապատրաստման և իրականացման գործողությունների արդյունավետությունը, այն գնահատելու համար ընտրված ֆինանսական և ոչ ֆինանսական ցուցանիշների հիմնավորվածությունը: Ընտրել գնահատման չափերի ցուցանիշների կազմ, հիմնավորված մեթոդա-բանաբան, արդյունքների արտացոլման ընդունելի ձևաթղթեր, եզրահանգումներ կատարելու օբյեկտիվ մոտեցումներ: Կատարել ընդհանրա-ցումներ, եզրակացություններ և առաջարկ-կոչություններ:	ՄԿՈՒ բարեփոխումների արդյունքների գնահատում 10 ուսումնական հաստատություններում: Կատարված գնահատումները պետք է հստակ արտացոլեն ձեռք բերված արդյունքները, դրանց գործնական կարևորությունը, բարեփոխումների հետագա խորացման ուղղությունները, խանգարող գործոնները, դրանց հաղթահարման առաջարկները, դրական ձեռքբերումը այլ հաստատություններում կիրառելուն նպաստող առաջարկություններ:	3800,0	հուլիս
4	<<Աշխարհի հմտություններ>> միջազգային կազմակերպության ներդրումների կազմակերպում	1. Մուծված է 2023 թվականի տարեկան անդամավճարը: Առկա է փոխանցման անդրորագիրը:	1. Անդամավճարի տարեկան գումարի ճշտում և համապատասխան հաշվեհամարին փոխանցում: 2. Հայաստանի պաշտոնական պատվիրակի գազաթափողովին մասնակցության փաթեթի ձեռք բերում և գործուղման կազմակերպում	<<Աշխարհի հմտություններ>> միջազգային կազմակերպության անդամավճարի մուծում, Հայաստանի պատվիրակի մասնակցություն <<Աշխարհի հմտություններ>> միջազգային կազմակերպության ամենամյա գազաթափողովին	1. Մուծված է 2023 թվականի տարեկան անդամավճարը: Առկա է փոխանցման անդրորագիրը: 2. Հայաստանի պաշտոնական պատվիրակը մասնակցել է <<Աշխարհի հմտություններ>> միջազգային կազմակերպության ամենամյա գազաթափողովին	5300,0	1. մարտ 2. սեպտեմբեր
5	ՄԿՈՒ որակավորման կարողությունների թեմաների և չափորոշիչների և	Մշակված է ԿԳՄՍ նախարարի հրամանով հաստատված ՄԿՈՒ 8 մասնագիտությունների և որակավորումների համար	Գործատուների ներկայացուցիչների հետ վեր-ուժեղ տվյալ զբաղմունքը, բացահայտել տվյալ որակավորման մասնագետի պարտականությունները, նրան ներկայացվող ընդհանուր և մասնագիտական	Հաստատված ձևաչափով մշակել ՄԿՈՒ մասնագիտությունների և որակավորումների	Մշակված է ԿԳՄՍ նախարարի հրամանով հաստատված ՄԿՈՒ 8 մասնագիտությունների և որակավորումների համար	20064,0	հուլիս

	<p>գնա-հատման չափանիշների մշակում</p>	<p>համար պետական կրթական չափորոշիչ, մասնագիտության բնութագիր և մասնագետի գնահատման չափանիշներ</p>	<p>պահանջ-ները, ձևավորել մասնագիտության բնութագիրը, ընդհանուր և հատուկ մասնագիտական մոդուլ-ների ցանկը, յուրաքան-չյուր մոդուլի ուսումնառության արդյունքները և կատարման չափանիշները, ձևավորել ժամանակ-կի բյուջեն ուսումնառության ամբողջ տևողության համար, ընտրել առանցքային հմտությունները: Կազմել ՊԿՁ նախագիծը՝ ներառելով նաև ընդհանուր հուման-նիտար և սոցիալ տնտեսագիտական առարկա-ները: Ձևավորել մասնագետի գնահատման չափանիշները:</p>	<p>պետական կրթական չափորոշիչներ, մասնագիտության բնութագրեր և մասնագետի գնահատման չափանիշներ: Այս փաստաթղթերի վերաբերյալ առկա է ՄԿՈՒՁԱԿ-ի դրական տեխնիկական փորձաքննության և համապատասխան ոլորտային հանձնաժողովի դրական բովանդակային փորձաքննության եզրակացությունները: Փաստաթղթերը մշակված են հաստատված ձևաչափերով:</p>	<p>10640,0</p>	
<p>6</p>	<p>Կարողութենամետ չափորոշիչներին համապատասխան ուսումնական պլանների և մոդուլային ուսումնական ծրագրերի մշակում</p>	<p>Հաստատված ձևաչափերով մշակել համապատասխան մասնագիտությունների և դրակալորումների ուսումնական պլաններ և մոդուլային ուսումնական ծրագրեր</p>	<p>Վերլուծել տվյալ մասնագիտության պետական կրթական չափորոշիչը, բացահայտել ուսումնական ծրագրերում ներառվող հարցերի շրջանակը, մոդուլների յուրաքանչյուր ուսումնառության արդյունքի հա-մար մշակել գնահատման միջոց, որում պետք է ներ-րառվի նաև տվյալ արդ-յունքի ուսուցման ծրագրային մանրամասները և առաջարկվի դրականի անցումային շեմը: Յուրա-քանչյուր արդյունքի հա-մար պետք է առաջարկվի նաև ուսուցման մեթոդա-բանությունը, պահանջվող ռեսուրսները, ինչպես նաև տվյալ արդյունքին հատ-կացվող տեսական և գործնական ուսուցման ժամերը: Մշակվում է նաև ուսումնական գործընթացի ժամանակացույցը՝ ըստ ուսումնական կիսամյակ-ների, կատարվում է պրակտիկաների տևողության բաշխում ըստ պրակտիկաների տեսակ-ների և ուսումնական կիսամյակների: Առաջարկվում է պետա-կան ամփոփիչ ատեստա-վորման ձևը և ընդգրկվող նյութի ծավալը:</p>	<p>Մշակված է ՄԿՈՒ 8 մասնագիտությունների և դրակալորումների համար հաստատված ՊԿՁ-ներին համապատասխան ուսումնական պլաններ և մոդուլային ուսումնական ծրագրեր: Դրանց վերաբերյալ առկա է ՄԿՈՒՁԱԿ-ի դրական փորձագիտական եզրակացությունը: Մշակված փաստաթղթերը համապատասխանում են հաստատված ձևաչափին:</p>	<p>սեպտեմբեր</p>	
<p>7</p>	<p>ՄԿՈՒ վերաբերյալ տեղեկատվության տարածում</p>	<p>ՄԿՈՒ համակարգի գործունեության, ձեռք բերված արդ-յունքների և հետա-գանելիքների վե-</p>	<p>Հանրապետական և մարզային մակարդակով իրականացվում է ԿԳՄՍ նախարարության հետ համաձայնեցված միջոցառումներ, իրականացվում են <<ամաշխարհային հմտություններ>></p>	<p>Իրականացված է 6 միավոր աշխատանք, որոնց վերաբերյալ առկա են փաստացի նյութեր, տեսագրություններ:</p>	<p>5696,0</p>	<p>տարվա ընթացքում՝ փոփոխվող, աշխատանքների ավարտ</p>

	րաբերյալ շահագր-գիտ կողմերը ստա-ցել են անհրաժեշտ տեղեկատվություն: Նրանք ծանոթացել են նաև գործնական արդյունքներին:	մրցույթի ազգային փուլի անցկացման միջոցառումներ, մամուլում և զանգվածային լրատվության այլ միջոցներով տրամադրվում են նյութեր:	Մշակված և հրատարակված է 9 միավոր նյութ, որոնց վերաբերյալ առկա է դրական փորձագիտական եզրակացություն և ԿԳՄՍ նախարարի հրաման՝ դրանք գործածության երաշխավորելու մասին:	դեկտեմբեր	6165,0
8	ՄԿՈՒ ուսումնական ձեռնարկների, ուսումնամեթոդական երաշխավորությունների, ձեռնարկների մշակում և հրատարակում	Մշակել և հրատարակել սահմանված կարգին համապատասխան ընտրված ուսումնական ձեռնարկներ, մեթոդական երաշխավորություններ, այլ ուսումնամեթոդական նյութեր	Ուսումնական հաստատություններից ստացված հայտերի, ԿԳՄՍ նախարարության, սոցիալական գործընկերների առաջարկությունների հիման վրա ընտրել մշակվող նյութերի ցանկը, քննարկել և հաստատել ԿԳՄՍ նախարարի հրամանով: Պատրաստել և հրատարակել նյութերը:	Վերանայել ՄԿՈՒ դրոշակի մասնագիտությունների և որակավորումների համար նախկինում մշակված պետական կրթական չափորոշիչը, մասնագիտության բնութագրիչը և մասնագետի զննարկի գնահատման չափանիշները	1. մշակման աշխատանքների ավարտ՝ սեպտեմբեր, 2. հրատարակչական աշխատանքներ և տպագրություն՝ դեկտեմբերի 2
9	ՄԿՈՒ որակավորումների կարողութենամետ չափորոշիչների և գնահատման չափանիշների վերանայում	Վերլուծել կիրառված չափորոշիչի վերաբերյալ ուսումնական հաստատությունների և գործա-տուների գնահատականները, բացահայտել վերանայման հիմնական ուղղությունները: Ըստ վերլուծության արդյունք-ների ձևավորել մասնագիտության բնութագրիչը, ընդհանուր և հատուկ մասնագիտական մոդուլների ցանկը, յուրաքանչյուր մոդուլի ուսումնա-ռության արդյունքները և կատարման չափանիշները, ձևավորել ժամանակ-ի բյուջեն ուսումնառու-թյան ամբողջ տևողու-թյան համար, ընտրել առանցքային հմտու-թյունները: Կազմել ՊԿԶ նոր նախագիծը՝ ներառելով նաև ընդհանուր հումանիտար և սոցիալ տնտեսագիտական առարկաները: Ձևավորել մասնագետի գնահատ-ման չափանիշները:	Վերանայված է համապատասխան հիմնավորմամբ ընտրված, ԿԳՄՍ նախարարի հրամանով հաստատված ՄԿՈՒ 22 մասնագիտությունների և որակավորումների համար պետական կրթական չափորոշիչներ, մասնագիտության բնութագրիչ և մասնագետի գնահատման չափանիշներ: Այս փաստաթղթերի վերաբերյալ առկա է ՄԿՈՒ-ՁԱԿ-ի դրական տեխնիկական փորձաքննության և համապատասխան ոլորտային հանձնաժողովի դրական բովանդակային փորձաքննության եզրակացությունները: Փաստաթղթերը մշակված են հաստատված ձևաչափերով:	2. 2. չափորոշիչներ ի երկրորդ խմբաքանակը՝ 12 հատ, հոկտեմբեր	25080,0

10	Վերանայված չափորոշիչների համապատասխան ուսումնական պլանների և մոդուլային ուսումնական ծրագրերի վերանայում	Հաստատված ձևաչափերով մշակել համապատասխան մասնագիտությունների և որակավորումների ուսումնական պլաններ և մոդուլային ուսումնական ծրագրեր	Վերլուծել տվյալ մասնագիտության պետական կրթական չափորոշիչը, բացահայտել ուսումնական ծրագրերում ներառվող հարցերի շրջանակը, մոդուլների յուրաքանչյուր ուսումնառության արդյունքի համար մշակել գնահատման միջոց, որում պետք է ներառվի նաև տվյալ արդյունքի ուսուցման ծրագրային մանրամասները և առաջարկվի դրականի անցումային շեմը: Յուրաքանչյուր արդյունքի համար պետք է առաջարկվի նաև ուսուցման մեթոդաբանությունը, պահանջվող ռեսուրսները, ինչպես նաև տվյալ արդյունքին հատկացվող տեսական և գործնական ուսուցման ժամերը: Մշակվում է նաև ուսումնական գործընթացի ժամանակացույցը՝ ըստ ուսումնական կիսամյակների, կատարվում է պրակտիկաների տևողության բաշխում ըստ պրակտիկաների տեսակների և ուսումնական կիսամյակների: Առաջարկվում է պետական ամփոփիչ ատեստա-վորման ձևը և ընդգրկվող նյութի ծավալը:	Մշակված է ՄԿՈՒ 22 մասնագիտությունների և որակավորումների համար վերանայված և հաստատված ԴԿԶ-ներին համապատասխան ուսումնական պլաններ և մոդուլային ուսումնական ծրագրեր: Դրանց վերաբերյալ առկա է ՄԿՈՒ-ԶԱԿ-ի դրական փորձագիտական եզրակացությունը: Մշակված փաստաթղթերը համապատասխանում են հաստատված ձևաչափին:	Վերանայված չափորոշիչներ ի առաջին խմբաքանակի համար մշակված ուսումնական պլան և մոդուլային ուսումնական ծրագրեր՝ 10հատ, սեպտեմբեր	14630,0
11	Կարողութենամետ չափորոշիչներին համապատասխան ուսումնական գործընթացի մշտադիտարկում	Ըստ հաստատված հարցաշարի ուսումնական հաստատություններում դիտարկել ձեռք բերված արդյունքները	Ընտրել և ԿԳՄ նախարարության հետ համաձայնեցնել մշտադիտարկվող հաստատությունների ցանկը: Կազմել և սահմանված կարգով հաս-տատել մշտադիտարկման հարցաշարը: Ընտրել և վերապատ-րաստել մշտադիտարկման անցկացնող փորձագետներին: Կազմել և հաստատել մշտադիտարկման ժամանակացույցը:	Մշտադիտարկում է անցկացվել 42 ուսումնական հաստատություններում, որոնցից 24-ը գտնվում են մարզերում: Անց է կացվել նաև մանկավարժական աշխատողների վերապատրաստում: Առկա է մշտադիտարկումների վերաբերյալ հաշվետվությունները և վերապատրաստման մատյանները:	նոյեմբեր	3894,0
12	Նախնական մասնագիտական (արհեստագործակ	Հաստատված ծրագրով վերապատրաստել	Վերլուծել ՄԿՈՒ հաստատությունների վերաբերյալ առկա տեղեկատվությունը, հաշվի առնել ԿԳՄ նախարարության	Վերապատրաստված են ՄԿՈՒ հաստատությունների առնվազն 40 դեկավալրներ՝ 2	հունիս	280,4


	ան) և միջին մասնագիտական պետական ուսումնական հաստատությունների ղեկավարների վերապատրաստում	ՄԿՈՒ հաստատությունների ղեկավարների	ատաջարկությունը և ձևավորել վերապատրաստման խմբերը: Մշակել և հաս-տատման ներկայացնել վերապատրաստման ծրագիրը: Ընտրել և հրահանգավորել վերապատրաստողներին: Մշակել վերապատրաստման նյութերը: Կազմել վերապատրաստման ժամանակացույց:	առաջարկությունը և ձևավորել վերապատրաստման խմբերը: Մշակել և հաս-տատման ներկայացնել վերապատրաստման ծրագիրը: Ընտրել և հրահանգավորել վերապատրաստողներին: Մշակել վերապատրաստման նյութերը: Կազմել վերապատրաստման ժամանակացույց:	խմբով: 1 խմբի վերապատրաստումն իրականացվում է մարզում: Դասընթացի վերաբերյալ առկա է պարապմունքների լրացված և վավերացված մատյանը:	
13	Նախնական մասնագիտական (արհեստագործակ ան) և միջին մասնագիտական պետական ուսումնական հաստատությունների մանկավարժական անձնակազմի աշխատողների, ուսումնական գործընթացի պատասխանատուների անձնակազմի վերապատրաստում	Հաստատված ծրագրով վերապատրաստել ՄԿՈՒ հաստատությունների մանկավարժական անձնակազմի աշխատողների, ուսումնական գործընթացի պատասխանատուների	Ամփոփել ՄԿՈՒ հաստատությունների ներկայացրած հայտերը ձևավորել վերապատրաստման խմբերը: Մշակել և հաս-տատման ներկայացնել վերապատրաստման ծրագիրը: Ընտրել և հրահանգավորել վերա-պատրաստողներին: Մշակել վերապատրաստման նյութերը: Կազմել վերապատրաստման ժամանակացույց:	Վերապատրաստված են ՄԿՈՒ հաստատությունների առնվազն 900 մանկավարժական աշխատողներ, ուսումնական գործընթացի պատասխանատուներ՝ 45 խմբով: 24 խմբի վերապատրաստումներն իրականացվել է մարզերում: Դասընթացների վերաբերյալ առկա է պարապմունքների լրացված և վավերացված մատյանը:	6441,0	ապրիլ
14	2-ափորոշիչներ մշակող փորձագետների վերապատրաստում	Հաստատված ծրագրով վերապատրաստել չափորոշիչներ մշակող փորձագետների	Ձևավորել վերապատրաստման խումբը: Մշակել և հաստատման ներկայացնել վերապատրաստման ծրագիրը: Ընտրել և հրահանգավորել վերապատրաստողներին: Մշակել վերապատրաստման նյութերը: Կազմել վերապատրաստման ժամանակացույց:	Վերապատրաստված են չափորոշիչներ մշակող առնվազն 25 անձինք՝ 1 խմբով: Դասընթացի վերաբերյալ առկա է պարապմունքների լրացված և վավերացված մատյանը:	109,0	մայիս
15	ՄԿՈՒ հաստատությունների կառավարման խորհրդի անդամների վերապատրաստում	Հաստատված ծրագրով վերապատրաստել ՄԿՈՒ հաստատությունների կառավարման խորհրդի անդամներին	Վերլուծել ՄԿՈՒ հաստատությունների վերաբեր-յալ առկա տեղեկատվու-թյունը, հաշվի առնել ԿԳՄՍ նախարարության առաջարկությունը և ձևավորել վերապատրաստման խմբերը: Մշակել և հաս-տատման ներկայացնել վերապատրաստման ծրագիրը: Ընտրել և հրահանգավորել վերա-պատրաստողներին: Մշակել վերապատրաստման նյութերը: Կազմել վերապատրաստման ժամանակացույց:	Վերապատրաստված են ՄԿՈՒ հաստատությունների կառավարման խորհրդի առնվազն 40 անդամներ՝ 2 խմբով: 1 խմբի վերապատրաստումն իրականացվում է մարզերում: Դասընթացի վերաբերյալ առկա է պարապմունքների լրացված և վավերացված մատյանը:	280,4	հոկտեմբեր
16	ՄԿՈՒ-ՁԱԿ-ի ընթացիկ	ՄԿՈՒ-ՁԱԿ-ի ստորաբաժանում-ները	ՄԿՈՒ-ՁԱԿ-ի տարեկան պլանի կազմում, դրված պարտականությունների կատարման	Իրականացված աշխատանքների վերաբերյալ	57361,4	Տարվա ընթացքում,

գործունեության կազմակերպման ապահովում	կատարում են իրենց կանոնադրական գործառնությունները	գործընթացների կազմակերպում, ՄԿՈՒ համակարգի վերաբերյալ տեղեկատվության հավաքում, ամփոփում, մշակում: Տեխնիկական առաջադրանքների և օգտագործվող հրահանգների մշակում, վերապատրաստման ծրագրերի և նյութերի մշակում: Փորձաքննությունների իրականացում, սեմինարների կազմակերպում:	Ճնալորված փաստաթղթեր, եզրակացություններ:	վերջնական ամփոփում՝ դեկտեմբեր	166 171, 2 33 234,2 199 405,4
		Ընդամենը			
		ԱԱՀ			
		Ընդամենը			

ՊԵՏԱԿԱՆ ՄԱՐՄԻՆ

ՀՀ կրթության, գիտության, մշակույթի և սպորտի նախարարություն
 ք. Երևան, Վազգեն Սարգսյան 3,
 Կառավարական տուն 2
 ՀՀ ՖՆ գործառնական վարչություն
 Հ/Հ 900011005429
 ՀՎՀՀ 02698732

Գլխավոր քարտուղարի պարտականությունները կատարող՝



Կ.Տ

Վ. Գասպարյան

(ստորագրություն)

ԿԱԶՄԱԿԵՐՊՈՒԹՅՈՒՆ

«Կրթության զարգացման նորարարական ազգային կենտրոն» իմնադրամ
 ք. Երևան, Տիգրան Մեծ 67
 ԱԳՐԱ-ԿՐԵԴԻՏ ԱԳՐԻԿՈՒԼ ՐԱՍԿ ՓԲԸ
 Հ/Հ 220303210078000
 ՀՎՀՀ 02657678

Գործադիր տնօրենի ժ/պ՝

Digitally signed by TOROSYAN ARTASHES 1209620243
 Date: 2023.01.26 17:34:15 AMT

Ա.Թորոսյան

(ստորագրություն)

Կ.Տ.